

ԿԱՐԵՆ ՄԱԹԵՒՈՍՅԱՆ

Պարմական գիությունների դոկտոր

ՆՈՌՈՄՈՍԻ ՎԱՆԱՀԱՅՐԵՐԻ ԳԱՎԱԶԱՆԱԳԻՐՔԸ

Անիի մերձակա Նոռոմոսի վանքը միջնադարյան Նայասարանի նշանավոր հոգևոր եւ մշակութային կենտրոններից էր, Անիի Բագրատունի թագավորների հանգստարանը (դամբանավայրը): Այդ մասին ուղղակիորեն նշում է Նովհաննես Սմբար (1017-1041) թագավորը 1036 թ. վանքում իր կառուցած Ս. Նովհաննես եկեղեցու արձանագրության մեջ գրելով, որ նվիրաբերություն է կատարել «...ի մեր հանգստարանս թագաւորաց, ի փեղեղահոջակ վանս Նոռոմոսի»¹: Իսկ նրա հայրը՝ Գագիկ Առաջինը (989-1017)², կառուցել է վանքի Ս. Գեորգ եկեղեցին, որի արձանագրության մեջ սրբի բարեխոսությունն է հայցում Տիսուսի երկրորդ գալստյան ժամանակ:

Նոռոմոսի վանքը հիմնադրվել է մինչև Անիի մայրաքաղաք հռչակվելը (961), 10-րդ դարի 30-40-ական թվականներին: Նամակիրի կառույցներից հնագույնը փոքր եկեղեցի է, որը, դարելով Սյրեփանոս Տարոնեցի Ասողիկի վկայությունից, Ս. Շողակաթ է կոչվել³:

Վանքը, որ Բագրատունյաց շրջանում ծաղկուն վիճակի էր հասել արքունական հովանավորության շնորհիվ, հետագայում եւս առաջնակարգ հոգևոր կենտրոնի դեր էր կատարում: Այն նշանավոր էր իր դպրոցով, գրչափնով⁴, հոգևոր-բարեսիրական ավանդներով, որոնք գալիս էին դեռ հիմնադիր վանական, ողորմած ու առաքինի Նովհաննես վանահորից: Վանքի եկեղեցիների պատերին պահպանվել են մեծ թվով վիմագիր արձանագրություններ, որոնք վկայում են վանական ընդարձակ կալվածքների եւ հարուստ ինչքի մասին: Ներառված է, որ ինչպես Անին հռչակված էր մեկ օրում 1001 եկեղեցիներում մաքուրցվող

1 Ն. Սարգիսեան, Տեղագրությունը ի Փոքր եւ ի Մեծ Նայս, Վենետիկ, 1864, էջ 166: Նովհաննես Սմբարի մահվան եւ թաղման մասին Մարթնոս Ուռհայեցին գրում է. «...մեռաւ թագաւորն Նայոց Յովհաննես... եւ թաղեցին զնա ի գերեզմանսն առաջին թագաւորացն Նայոց» (Մարթնոս Ուռհայեցի, Ժամանակագրություն (աշխարհաբար թարգմանությունը եւ ծանոթագրությունները Ն. Բարթիկյանի), Երևան, 1991, էջ 92):

2 Գրականության մեջ Գագիկ Ա-ի մահվան թվական է նշվում 1020-ը, սակայն վերջին ուսումնասիրությունները մարնանշում են 1017 թվականը (Կ. Մաթևոսյան, Անին մայրաքաղաք եւ կաթողիկոսանիստ «Պարմա-բանասիրական հանդես», 2008, թ. 3, էջ 12-16):

3 Պարմիչը գրում է, որ Աբիհան ամիրան «եկեալ զՆոռոմոսի վանքն այրեաց եւ զփրկական նշանն (խաչը - Կ. Մ.), որ ի վերայ սրբոյ Շողակաթի գմբեթին կանգնեալ էր, ճոպանօք ի վայր բերել ի ՆԼԱ (982) թուականին» (Սյրեփանոս Տարոնեցի Ասողիկ, Պարմություն փեղեղական, աշխարհաբար թարգմանությամբ Սյր. Մալխասեանցի, ՄԴԲ, 1885, էջ 188-189): Սրանից Մաղաքիա պարիսարք Օրմանյանը բխեցրել է, որ վանքի «առաջին անունը Ս. Շողակաթ եղած կերելի» (Մ. Օրմանեան, Ազգապատմություն, հ. Ա, Էջմիածին, 2001, էջ 1285): Ճարտարապետական գրականության մեջ այս եկեղեցին առավել հայտնի է ենթադրյալ Ս. Մինաս անունով:

4 Նոռոմոսում աշխատել են մի շարք հմուտ գրիչներ, որոնցից Իգնատիոսը միջնադարյան հայ լավագույն գրիչ-մանրանկարիչներից մեկն է համարվում: Գրչությամբ են զբաղվել նաեւ Նոռոմոսի դպրոցի աշակերտները: Վանքում գործել է կազմարարական հայտնի արվեստանոց (տե՛ս Կ. Մաթևոսյան, Գրիչ եւ մանրանկարիչ Իգնատիոս Նոռոմոսցի, «Բանբեր Երևանի համալսարանի», 1982, թ. 1, էջ 121-133, նույնի, Կազմարարությունը Նոռոմոսի գրչության կենտրոնում, ՆՍՄՀ ԳԱ Լրաբեր հաս. գիյ., 1986, թ. 10, էջ 64-68):

պապարագներով⁵, Նոռոմոսն էլ հռչակված էր մեկ օրում մաքուցվող 40 պապարագով⁶:

Նոռոմոսի վանքի պապմության մասին առաջին անգամ փոքր գրքույկ է տպագրել Էջմիածնի միաբան Աբել Մխիթարյանը 1870 թվականին: Այսպես նա բերում է պապմական համառոտ տեղեկություններ, նաեւ վանքի վիմագրերը, որոնց հիման վրա թվարկում է վանահայրերին: Այդ ցանկը, առաջինը լինելով եւ վիմագրական նյութը միայն մասամբ արպագուելով, թերի է⁷:

Նոռոմոսի վանահայրերին անդրադարձել է Ղեւոնդ Ալիշանը եւ իր ժամանակ հայրնի վիմագրերի ու հիշատակարանների տվյալների հիման վրա հրապարակել է Նոռոմոսի վանահայրերի 20 անուն պարունակող հետևյալ գավազանագիրքը.

«936 Յովհաննէս հիմնադիր վանացն	1218 Գրիգորիս
972 Սարգիս (թուի կաթողիկոսն)	1222 Անդրէաս
986 Սողոմոն	1246 Սարգիս
1013 Անանիա	1269 Յովսէփ
1036 Սարգիս եւ Գէորգ	1336 Ստեփանոս
1038 Յովհաննէս	1685 Դանիէլ Տիգրանակերպցի
1174-81 Խաչատուր	1751-5 Եղիա վրդ. Ալաշկերպցի
1195 Պետրոս	1788 Յովհաննէս Շամբեցի եպիսկոպոս
1198-1201 Մխիթար	... Աւետիք եպիսկոպոս
1229-53 Տէր Բարսէղ	1829 (՞) Ստեփանոս եպս. Չախալեան» ⁸ :

Ղ. Ալիշանից հետո հայ հետազոտողները Նոռոմոսի վանահայրերի գավազանագրքին չեն անդրադարձել: Ժան-Միշել Թիերին Նոռոմոսի վանքի պապմությանը նվիրված իր գրքում վանահայրերին առանձին չի անդրադարձել⁹: Իսկ 2002 թ. Թորոս Թորամանյանի՝ Նոռոմոսի վանքին նվիրված նյութերի ժողովածուի մեջ ներկայացրել է վանահայրերի գավազանագիրքը ֆրանսերենով՝ գրեթե նույնությամբ կրկնելով Ղ. Ալիշանի կազմած

5 Տե՛ս Կ. Մաթևոսյան, Անի. Եկեղեցական կյանքը եւ ձեռագրական ժառանգությունը, Ս. Էջմիածին, 1997, էջ 176-188:

6 Այդ մասին տեղեկությունը հավելում է Վարդան Արեւելցու «Աշխարհացոյցի» մեջ (Նոռոմոսը հիշվում է ուշ միջնադարում սրացած Ղոշավանք անունով), բայց հավանորեն հին ծագում ունի: «Ղօշավանքն Սուրբ Յովաննէս եւ Սուրբ Գէորգ զարմանաշէն եւ հռչակաւոր աթոռ եւ կան բազում եկեղեցիք Խ (40) խորան է, Խ (40) պապարագ կու լինի աւուրն» (Մատենադարան, ձեռ. թիվ 8100, թերթ 254 բ, Փ. Անթապյան, Վարդան Արեւելցի, հ. Ա, Երևան, 1987, էջ 108):

7 Ա. Մխիթարեանց, Պապմութիւն Նոռոմոսին վանաց ի Շիրակ, Վաղարշապատ, 1870, էջ 20-21:

8 Ղ. Ալիշան, Շիրակ, Վենետիկ, 1881, էջ 28:

9 J-M. Thierry, Le couvent Arménien d'Horomos, Louvain-Paris, 1980.

ցանկը: Ավելացված է միայն Ավետիք եպիսկոպոսի հիշարական թվականը՝ 1751 եւ 19-րդ դարին վերաբերող երկու անուն (Գրիգոր, Վարդան Օձնեցի)¹⁰:

Բարեբախտաբար պահպանվել են Նոռոմոսի Սյրեփանոս վանահորից հետո (հիշվում է 1336 եւ 1347 թվականներին) մինչեւ Դանիել Տիգրանակերպցին (1685 թ.) վանքի առաջնորդությունը վարած եւս երեք վանահայրերի անունները¹¹: Այս ժամանակահատվածի լուսաբանումը կարելու է հաջողապես նրանով, որ 14-րդ դարի 30-ական թվականներից մինչեւ 1685 թվականն ընկած ժամանակահատվածը սովորաբար համարվել է Նոռոմոսի վանքի պարմության անհայտ շրջան: Ինչպես Լեոն է գրում. «Նոռոմոսի կյանքը ներկայացնող արձանագրությունները ընդհատվում են 1336 թվականին... այնուհետեւ սեւ անհայտություն է գալիս հռչակավոր վանքի վրա...»¹²: Իսկ Թ. Թորամանյանը գրում է. «1336 թվականն հետո 349 տարի վանքին վիճակը անստույգ է, եթե բոլորովին ամայացած չէր, գոնե անտերունջ վիճակի մատնված էր մինչեւ 1685 թվականը, երբ Դանիել վարդապետ նորոգել էր վերստին շենացուցել է»¹³: Նիշյալ երեքուկես դարը վանքի համար անհայտության ժամանակ է համարում նաեւ Ժ-Մ. Թիերին¹⁴:

Նիշյալ ժամանակաշրջանի կարծեցյալ «անհայտությունը» գրեթե ամբողջությամբ լցնում են Նոռոմոսում գրված կամ այսպեղ պահված ձեռագրերի հիշարակարանները եւ մի քանի այլ նյութեր¹⁵: Այս եւ նոր շրջանի մի քանի գործիչների անունների ավելացմամբ ամբողջանում է Նոռոմոսի վանահայրերի գավազանագիրքը:

Նարկ է նշել, որ Ղ. Ալիշանի կազմած ցանկը հիմնականում հաջող է, բայց հին մասում որոշ ճշգրտումների եւ ավելացումների կարիք ունի: Մասնավորապես հայտնի է, որ Նոռոմոսի վանքը հիմնադրվել է Աբաս Բագրատունու (929-953) թագավորության շրջանում Բյուզանդիայից եկած հայ վանականների կողմից¹⁶: Քանի որ աղբյուրները որոշակի թվական չեն հայտնում, Նոռոմոսի առաջին վանահոր ժամանակը նախընտրելի է նշել 10-րդ դարի 30-40-ական թվականները:

Հիշարակված հաջորդ վանահայրը՝ Սարգիսը, մասնակցել է 969 թ. Անիի եկեղեցական ժողովին¹⁷, 979-ին հիմնել է Անիի մերձակա Կարմիր վանքի Ս. Գրիգոր եկեղեցին, բայց մահացել է 980-ին: Սարգսի մահից հետո Նոռոմոսի վանահայրությունն անցել է նրա որդի Սողոմոնին, որն էլ 985-ին ավարտին է հասցրել Ս. Գրիգոր եկեղեցու շինարարությունը¹⁸:

1198-1201 թթ. հիշված Մխիթարի առաջնորդության շրջանն ավելի երկար է տևել, քա-

10 Le couvent d'Horomos d'après les Archives de Toros Toramaian (Monuments et mémoires de la fondation Eugène Piot), Paris, 2002, p. 14.

11 Կ. Մաթևոսյան, Նոռոմոսի վանքի պարմության նոր էջեր (ԺԴ-ԺԹ դդ.), «Էջմիածին», 1993, Դ-Ե-Զ, էջ 72-79:

12 Լեոն, Անի, Երևան, 1963, էջ 122:

13 Թ. Թորամանյան, Նյութեր հայկական ճարտարապետության պարմության, աշխատությունների ժողովածու, Երևան, 1942, էջ 302:

14 J.-M. Thierry, Le couvent Arménien d'Horomos, p. 5.

15 1459 թ. Աստվածատուր եպիսկոպոսը Նոռոմոսին է նվիրել իր սրացած, Այրիվանքում գրված ճաշոցը (Մաթևոսյան, ձեռ. թիվ 6276): 1485 թ. այս ձեռագրում հիշարակարան է գրել Նոռոմոս այցելած Սարգիս Գ (1484-1515) Կաթողիկոսը: 1699-ին Նոռոմոսի վանքին թավշյա ասեղնագործ վարագույր է նվիրել ամիրեցի Դահմազը (պահվում է Նայաստանի ազգային պարկերասրահում): 1782-ին Նոռոմոսում ձեռագիր է ընդօրինակել ակնագյուղի Գրիգոր աբեղան (տե՛ս Կ. Մաթևոսյան, Նոռոմոսի վանքի պարմության նոր էջեր, էջ 72-79):

16 Սյրեփանոս Տարոնեցի Ասողիկ, էջ 174:

17 Անդ, էջ 181:

18 Ա. Մանուչարյան, Կարմիր վանքի արձանագրությունը, «Պարմա-բանասիրական հանդես», 1967, թ. 1, 154-155:

նի որ նա Նոռոմոսի վանահայրն է համարվում 1211 թ. այսպեղ կազմված «Նաղբարի Անարանի» հիշարակարանում¹⁹:

1215 թվականին հիշված Անդրեասի (ըստ Ղ. Ալիշանի՝ 1222)²⁰ եւ 1218-ին հիշված Գրիգորիսի անունները պետք է 1229-1253 թթ. առաջնորդ եղած Բարսեղ եպիսկոպոսի (Ամիր Երկաթի որդու) անունից առաջ դրվեն, իսկ 1246 թ. արձանագրության մեջ նշված Սարգիս վարդապետի անունը ցանկից պիտի հանվի, քանի որ նա Նոռոմոսի միաբան էր, բայց վանահայր չի եղել²¹:

1336 թ. արձանագրության մեջ հիշված Սյրեփանոսի անունը պահպանվել է նաեւ Նոռոմոսին ընծայված մի ձեռագրի արձայնա կազմի 1347 թ. արձանագրության մեջ²²: Նրանից հետո ուշ միջնադարում հիշվում են Նոռոմոսի վանահայրեր Գրիգոր եպիսկոպոսը՝ 1485 թ.²³, Նովհաննես եպիսկոպոսը՝ 1585 թ.²⁴: Մեկ այլ Նովհաննես եպիսկոպոսի (1653 թ.) հիշարակում է Ղ. Ալիշանը, առանց աղբյուրը նշելու, բայց որի անունը չի դրել գավազանագրքում²⁵:

Նոր շրջանում, Կարսում գրված մի հիշարակարանում նշվում է վանահայր Խաչատուր վարդապետը՝ 1714 թ.²⁶, իսկ Սյրեփանոս եպիսկոպոս Չախալյանի հիշարակման թվականը ճշտում է Ս. Էփրիկյանը (1825)²⁷: Գրականության մեջ հիշվում են նաեւ Պետրոս վարդապետը՝ 1851 թ.²⁸, նորոգման աշխատանքներ կատարած Վարդան վարդապետ Օձնեցին՝ 1851-1856 թթ.²⁹, եւ Գրիգորը՝ 1868-1871 թթ.³⁰:

19 «Նայերեն ձեռագրերի հիշարակարաններ», ԺԳ դար, կազմեց Ա. Մաթևոսյան, Երևան, 1984, էջ 72:

20 Ղ. Ալիշանն օգտվել է Ն. Սարգիսյանի գրքից, բայց այնպեղ Անդրեասի անունը պարունակող երկու արձանագրությունն էլ անթվական են (Ն. Սարգիսեան, Տեղագրութիւնք ի Փոքր եւ ի Մեծ Նայս, էջ 151, 159-160, Ղ. Ալիշան, Շիրակ, էջ 21): Դրանցից Խորթու Խաթունի արձանագրությունը 1215 թվականից է, որը նշում է Ժ-Մ. Թիերին (J-M. Thierry, Le couvent Arménien d'Horomos, p. 54-55):

21 Աշոտ Դսեղեցու արձանագրության սկզբում նշվում է. «Յառաջնորդութեան Տէր Բարսղի», ապա հոռոմոսցիների անունից գրված հապվածում ասվում է. «Ես Տէր Բարսեղ եւ Սարգիս վարդապետս եւ այլ եղբարքս...» (Ն. Սարգիսեան, Տեղագրութիւնք ի Փոքր եւ ի Մեծ Նայս, էջ 154):

22 Կազմը, որն այժմ պահվում է Սանկտ-Պետերբուրգում (Էրմիտաժ՝ 93-834), պատրաստել են տվել ոմն Զաչնու իր որդի Ամիր Սմբարը, ոսկերիչ վարպետն է Գրիգորը: Արձանագրության մեջ Նոռոմոսի վանահորից բացի հիշվում են նաեւ Սարգիս կրոնավորը եւ Սաղունյան իշխանական տնից Մանկասարը (Կ. Մաթևոսյան, Կազմարարությունը Նոռոմոսի գրչության կենտրոնում, էջ 64-68, Ն. Մարգարեան, Մահկանաբերդցիների (Սաղունեանների) իշխանական տունը ԺԲ-ԺԴ դարերում, «Նայկազեան հայագիտական հանդես», հ. ԺԸ, Պէյրուք, 1998, էջ 29-33):

23 «ԺԵ դարի հայերեն ձեռագրերի հիշարակարաններ», մասն Գ, կազմեց Լ. Խաչիկյան, Երևան, 1967, էջ 70:

24 Նոռոմոսում գրված հիշարակարանում Նովհաննես եպիսկոպոսը թվարկում է իր հարազատներին (ծնողներ, եղբայրներ, քույրեր, եղբորորդիներ եւ այլք), նշելով 34 անուն: Եպիսկոպոսի եղբորորդին, դարձյալ Նովհաննես անունով, վարդապետ էր (Ս. Տէր-Ավետիսեան, Մայր ցուցակ հայերեն ձեռագրաց Նոր Զուղայի Ամենափրկիչ վանքի, հ. Ա, Վիեննա, 1970, էջ 134):

25 Ղ. Ալիշան, Շիրակ, էջ 96:

26 Մաթենադարան, ձեռ. թիվ 4608, էջ 114-115, հմմտ. Կ. Մաթևոսյան, Նոռոմոսի վանքի պատմության նոր էջեր, էջ 77:

27 Ս. Էփրիկեան, Բնաշխարհիկ բառարան, հ. Բ, Վենետիկ, 1907, էջ 225:

28 Ա. Մխիթարեանց, Պատմութիւն Նոռոմոսին վանաց ի Շիրակ, էջ 53, J-M. Thierry, Le couvent Arménien d'Horomos, p. 85:

29 Վարդանը նաեւ Կարսի թեմի առաջնորդն էր: Պահպանվել են 1856-ին նրա՝ Կաթողիկոս Ներսես Աշտարակեցուն ուղարկած վանքի տնտեսական վիճակին վերաբերող հաշվետվությունները (Մաթենադարան, Կաթողիկոսական դիվան, թղթ. 17, վ. 55 եւ թղթ. 181, վ. 82, 133):

30 Ս. Էփրիկեան, Բնաշխարհիկ բառարան, հ. Բ, էջ 224: 19-րդ դարում Նոռոմոսի վանքը ենթարկվել է Կ. Պոլսի հայոց պապրիարքարանին, ընդգրկվել Կարսի թեմի կազմում: Մ. Օրմանյանը գրում է, որ Նոռոմոսի վանքն այս փարածքում «տակաւին շէն մնացածներէն մէկն է» (Մ. Օրմանեան, Ազգապատում, հ. Ա, 1912, էջ 1285):

Վերոնշյալ քվյալներն ի մի բերելով՝ ստորեւ ներկայացնում ենք Հոռոմոսի վանահայրերի գավազանագիրքը:

ԳԱԲԱԶԱՆԱԳԻՐԲ ՎԱՆԱՀԱՐՅ ՀՈՐՈՄՈՍԻ

1	Յովհաննէս Ա	Ժ դ. 30-40-ական թթ.
2	Սարգիս Ա	969-980
3	Սողոմոն	980-986
4	Անանիա	1013
5	Սարգիս Բ եւ Գէորգ	1036
6	Յովհաննէս Բ	1038
7	Խաչատուր Ա	1174-1181
8	Պետրոս Ա	1195
9	Մխիթար	1198-1211
10	Անդրէաս	1215
11	Գրիգոր Ա (Գրիգորիս)	1218
12	Բարսեղ արքեպիսկոպոս	1229-1253
13	Յովսէփ	1269
14	Ստեփանոս Ա	1336-1347
15	Գրիգոր Բ եպիսկոպոս	1485
16	Յովհաննէս Գ եպիսկոպոս	1585
17	Յովհաննէս Դ եպիսկոպոս	1653
18	Դանիէլ վարդապետ Տիգրանակերպցի	1685
19	Խաչատուր Բ վարդապետ	1714
20	Աւետիք եպիսկոպոս	1751
21	Եղիա վարդապետ Ալաշկերպցի	1751-1755
22	Յովհաննէս Ե վարդապետ Շաբեցի	1788
23	Ստեփանոս Բ եպիսկոպոս Չախալեան	1825
24	Պետրոս Բ վարդապետ	1851
25	Վարդան վարդապետ Օձնեցի	1851-1856
26	Գրիգոր Գ վարդապետ	1868-1871